

大慈恩寺三藏法師傳卷第九

卷九

唐沙門惠立本釋方悰著

起顯慶元年三月謝慈恩寺碑成終二

年十一月法師謝勅問病表

顯慶元年春三月癸亥御製大慈恩寺碑文

訖時禮部尚書許敬宗遣使送碑文與法師
鴻臚寺又有符下寺甲子法師率寺衆詣闕
陳謝曰沙門玄奘言被鴻臚寺符伏奉勅旨
親紓聖筆爲大慈恩寺所製碑文已成睿澤
傍臨宸詞曲照玄門益峻梵侶增榮蹠厚地

而懷慙負層穹而寡力玄奘聞造化之功既
播物而成教聖人之道亦因辭以見情然則
畫卦垂文空談於形器設爻分象未踰於寰
域義皇之德尚見稱於前古姬后之風亦獨
高於後代豈若開物成務闡八政以摛章詮
道立言證三明而導俗理窮天地之表情該
日月之外較其優劣斯爲盛矣伏惟皇帝陞
下金輪在運玉曆乘時化溢四洲仁覃九有
道包將聖功茂迺神縱多能於生知資率由於
天至始悲奮鏡即創招提俄樹勝幢更敷

文律若乃天華穎發睿藻波騰吞筆海而孕龍宮掩詞林而包鶴樹內該八藏外覈六經奧而能典宏而且密固使給園遺迹託寶思而彌高柰苑餘芳假瓊章而不昧豈直抑揚夢境昭晰迷塗諒以鎔範四天牢籠三界者矣玄奘言行無取猥預縉徒亟叨恩顧每謂多幸重忝曲成之造欣逢像法之盛且慙且躍實用交懷無任竦戴之誠謹詣朝堂奉表陳謝乙丑法師又惟主上文明天縱聖而多能非直文麗魏君亦乃書道漢主法師以見

碑是聖文其書亦望神筆詣闕請皇帝自書表曰沙門玄奘等言竊以應物垂象神用溥該隨時設教聖功畢盡是知日月雙朗始極經天之運卉木俱秀方窮麗地之德伏惟皇帝陛下智周萬物仁霑三界旣隆景化復闡玄風鄙妬穆之好道空嘗瑤池之詠蔑漢明之崇法徒開白馬之詞遂乃俯降天文遠揚幽旨用彫豐琬長垂茂則同六英之發音若五緯之摛曜敷至懷而感俗弘大誓以匡時豈獨幽贊真如顯揚玄贊者也雖玉藻斯暢

翠版將刊而銀鈎未書丹字猶韞然則夔樂
已纂匪里曲之堪預龍卿旣畫何燭火之能
明非夫牙曠撫律義和總馭焉得揚法鼓之
大音裨慧日之沖彩敢緣斯義冒用干祈伏
乞成茲具美勒以神筆庶凌雲之妙邁迹前
王垂露之奇騰芬後聖金聲玉振即悟羣迷

地而慊懇之勤翹誠有日重敢塵蹠更懷冰
火表奏不納景寅法師又請曰昨日蒙齋
天藻喜戴不勝未允神翰翹丹尚擁竊以攀
榮奇樹必含笑而芬芳跪寶玉岑亦舒溼而
貽彩伏惟陛下提衡執粹垂拱太寧睿思綺
毫俯凝多藝鴻範光於洛浦草聖茂於臨池
卷九
玄奘肅荷前恩奉若華於金鏡冒希後澤佞性
莫大之恩實亦幸贊明時宗社享無疆之福
玄奘稟識愚淺謬齒縑林本慙窺涉多虧律
行猥辱紫宸詞過褒美雖驚惕之甚措顏無

陳請表奏帝方運神筆法師旣蒙帝許不勝慶抃表謝曰沙門玄奘言伏奉勅旨許降宸筆自勤御製大慈恩寺碑文聖詰矣繚綸慈猥集祇荷慙惕罔知攸措玄奘聞強弩在彀鼯鼠不足動其機鴻鐘匿音纖蓮無以發其響不謂日臨月照遂迴景於空門雨潤雲蒸乃昭感於玄寺是所願也豈所圖焉伏惟陛下履翼乘樞握褒纊運追軒邁頃孕夏呑殷演衆妙以陶時總多能而景俗九域之內旣沐仁風四天之表亦露玄化然則津梁之法

非至聖無足闡其源幽贊之工非至人何以敷其迹雖追遠所極自動天情而冥祐可祈即迴宸膳英詞曲被已超希代之珍祕述行開將踰絕價之寶凡在羣品靡弗欣慕然彼梵徒倍增慶躍夢鈞天之廣樂匹此非竒得輪王之譬珠疇茲豈責庶當刊以貞石用樹福度蠱彼迷生方開耳目盛乎法炬傳諸未來使夫瞻寶字而跂銀鈎發菩提於此日諷通文而探曠悟般若於斯地劫成窮木昭昭之美恒存遷海環桑藹藹之風無朽玄奘出

自凡品夙慙行業既蒙落飾思闡玄猷徃涉
迦維本憑皇化迨茲翻譯復承朝獎而貞觀
之際濫沐洪慈永徽已來更叨殊遇二主神
筆猥賜褒揚兩朝聖藻亟垂榮飾顧循愚劣
實懷兢懼輸報之誠不忘昏曉但以恩深巨

奇九

壑豈滴水之能酬施厚崧丘匪纖塵之可謝
准當憑諸慧力運以無方資景祚於園寢助
隆基於七百不任竦戴之至謹附內給事臣
王君德奉表陳謝以聞輕犯威嚴伏深戰慄
夏四月八日帝書碑并匠鐫訖將欲往寺法

師慤荷聖慈不敢空然待送乃率慈恩徒衆
及京城僧尼各營幢蓋寶帳旛花共至芳林
門迎勅又遣太常九部樂長安萬年二縣音
聲共送幢最早者上出雲霓旛極短者猶摩
霄漢凡三百餘事音聲草千餘乘至七日暝
集城西安福門街其夜雨八日路不堪行勅
遣且停仍迎法師入內至十日天景晴麗勅
還依前陳設十四日旦方乃引發幢旛等次
第陳列從芳林門至慈恩寺三十里間爛然
盈滿帝登安福門樓望之甚悅京都士女觀

者百餘萬人至十五日度僧七人設二千僧齋陳九部樂等於佛殿前日晚方散至十六日法師又與徒衆詣朝堂陳謝碑至寺表曰沙門玄奘等言今月十四日伏奉勅旨送御書大慈恩寺碑并設九部樂供養堯日分照先增慧炬之暉舜海通波更足法流之廣豐碣巖峙天文景燭狀彩露之映靈山疑縹宿之臨仙嶠凡在繙素電激雲奔瞻奉驚躍得未曾有竊以八卦垂文六爻發繫觀鳥製法泣麟敷典聖人能事畢見於茲將以軌物垂

範隨時立訓陶鑄生靈抑揚風烈然則秦皇
刻石獨昭美於封禪魏后刊碑徒紀功於大
饗猶稱題目高視百王豈若親紓睿藻俯開
仙翰金奏發韻銀鈞絢迹探龍宮而架三玄
軼鳳篆而窮八體揚春波而騁思沛秋露以
標奇弘一乘之妙理讚六度之幽贊化總三
千之域聲騰百億之外柰苑微言假天詞而
更顯竹林開士託神筆而彌尊固使梵志歸
心截疑網而祗訓波旬韋慮偃邪山而徇道
豈止塵門之士始悟迷方滯夢之賓行超苦

際像教東漸年垂六百弘闡之盛未若於茲
至如漢明通感尚咨謀於傳毅吳主歸宗猶
考疑於闢澤自斯已降無足稱者隨緣化物
獨推昭運爲善必應克峻昌基若金輪之王
神功不測同寶冠之帝休祚方永玄奘等謬
忝朝恩幸登玄肆屬慈雲重布法鼓再揚三
明之化旣隆八正之門長闢而顧非貞懇虛
蒙獎導仰層曼而荷澤俯浚谷以懷慙無任
竦戴之誠謹詣闕陳謝以聞碑至有司於佛
殿前東南角別造碑屋安之其舍複拱重櫨

雲楣綺棟金花下照寶鐸上暉仙掌露盤一
同靈塔帝善楷隸草行尤精飛白其碑作仁
書又用飛白勢作顯慶元年四字並窮神妙
觀者日數千人文武三品已上表乞模打許
之自結繩息用文字代興二篆形殊楷草勢
異懸針垂露雲氣偃波銘石章程八分行狎
卷九
古人互有短長不能兼美至如漢元稱善史
八分劉劭張弘發譽於飛白伯英子玉流名
於草聖唯中郎右軍稍兼衆美亦不能盡也

故韋文休見二王書曰二王自可稱能未是知書也若其天鋒秀拔顏鬱道健該古賢之衆體盡先哲之多能爲豪翰之陽春文字之寡和者信歸之於我皇矣法師少因聽習及往西方步凌山雪嶺遂得冷病發即封心屢經困苦數年已來憑藥防禦得定今夏五月因熱追涼遂動舊疾幾將不濟道俗憂懼中書聞奏勅遣供奉上醫尚藥奉御蔣孝璋針醫上官琮專看所須藥皆令內送北門使者日有數般遣伺氣候遞報消息乃至眠寢處

所皆遣內局上手安置其珍惜如是雖慈父之於一子所不過也孝璋等給侍醫藥晝夜不離經五日方損內外情安法師旣荷聖恩翌日進表謝曰沙門玄奘言玄奘拙自營衛冷疹增動幾至絲篤殆辭昭運天恩矜愍降以良醫針藥纔加即蒙瘳愈駐頰齡於欲盡反營魄於將消重覩昌時復遵明導豈止膏肓永絕腠理恒調而已顧循庸菲屢荷殊澤施厚命輕罔知輸報唯憑慧力庶訥冥祉玄奘猶自虛憊未堪詣闕陳謝無任竦戴之至

謹遣弟子大乘光先奉表以聞帝覽表遣給事王君德慰問法師曰既初服藥後氣力固當虛劣請法師善自攝衛未宜即用心力法師又蒙聖問不勝喜懼之至又表謝曰沙門玄奘言玄奘業累所嬰致招疾苦呼吸之頃幾隔明時忽蒙皇帝皇后降慈悲之念垂性命之憂天使頻循有逾十慰神藥俯救若遇一丸飲沐聖慈已祛沈痛承荷醫療遂得痊除豈期已逝之魂見招於上帝將夭之壽重稟於洪鑪退省庸微何以當此撫膺愧越言

不足宣荷殊澤而詎勝粉微軀而靡謝方冀
勗茲禮誦罄此身心以答不次之恩少塞無
窮之責無任感戴之極謹附表謝聞喜懼兼
并罔知攸措塵黷聽覽伏增惶悚貞觀十一
年有勅曰老子是朕祖宗名位稱號宜在佛

先時普光寺大德法常總持寺大德普應等
數百人於朝堂陳諍未蒙改正法師還國來
已頗內奏許有商量未果而文帝昇遐永徽
六年先有勅道士僧等犯罪情難知者可同
俗法推勘邊遠官人不閑勅意事無大小動

行枷杖腐辱爲甚法師每憂之因疾委頓慮更不見天顏乃附人陳前二事於國非便玄裝命垂日夕恐不獲後言謹附啓聞伏增惶懼勅遣報云所陳之事聞之但佛道名位先朝處分事須平章其同俗勅即遣停廢師宜安意強進湯藥至二十三日降勅曰道教清虛釋典微妙庶物藉其津梁三界之所遵仰比爲法末人澆多違制律且權依俗法以伸懲誠冀在止惡勸善非是以人輕法但出家人等具有制條更別推科恐爲勞擾前令道

士女道士僧尼有犯依俗法者宜停必有違犯宜依條制法師既荷茲聖澤奉表詣闕陳謝曰沙門玄奘言伏見勅旨僧尼等有過停依俗法之條還依舊格非分之澤忽委縉徒不訾之恩復霑玄肆曉湯沐道實用光華踢地循躬唯增震惕竊以法王旣沒像化空傳崇紹之規寄諸明后伏惟皇帝陛下寶圖御極金輪乘正曉茲釋教載懷宣闕以爲落飾玄門外異流俗雖情牽五濁律行多虧而體被三衣福田斯在削玉條之密網布以寬仁

信金口之直詞允茲迴向斯固天祇載悅應
之以休徵豈止梵侶懷恩加之以貞確若有
背茲寬貸自貽伊咎則違大師之嚴旨虧聖
主之深慈凡在明靈自宜譴謫豈待平反之
律方科姦惡之罪玄奘庸昧猥廁法流每忝

鴻恩忌懷慙惕重祗殊獎彌復兢惶但以近
嬰疾疹不獲隨例詣闕無任竦戴之誠謹遣
弟子大乘光先奉表陳謝以聞自是僧徒得
安禪誦法師悲喜交集不覺淚落襟袖不勝
抃躍之至又重進表謝曰沙門玄奘言伏奉

思勑除僧等依俗法推勘條章喜戴之誠莫
知准譬竊尋正法隆替隨君上所抑揚彝倫
薄厚儼玄風以興缺自聖運在璿明皇執粹
甄崇道藝區別玄儒開不二之鍵廣唯之一
轍寫龍宮於蓬閣接鷲壤於神臯俾夫鐘梵

之聲洋溢區宇福善之業灌沐黎氓寔法門
之嘉會率土之幸甚頃爲僧徒不整誨馭乖
方致使內虧佛教外犯王法一人獲罪舉衆
蒙塵遂觸天威令依俗法所期清肅志在懲
誠僧等震懼夙夜慄惶而聖鑒天臨仁澤昭

被篤深期於玄妙掩纖垢於含弘爰降殊恩
釋茲嚴罰非其人之足措顧斯法之可尊遂
令入網之魚復游江漢觸籠之鳥還飈杳冥
法水混而更清福田鹵而還沃僧等各深荷
冀人知自勉庶當勵情去惡以副天心專精
禮念用答鴻造伏願皇帝皇后以紹隆之功
永凝百福乘慈悲之業端拱萬春震域締祥
維城具美不勝舞躍感荷之至謹重附表陳
謝以聞輕贊冕旒伏增惶恐帝覽表知法師
病愈遣使迎法師入安置於凝陰殿院之西

閭供養仍彼翻譯或經二旬三旬方乃一出
冬十月中宮在難歸依三寶請垂加祐法師
啓聖體必安和無苦然所懷者是男平安之
後願聽出家當蒙勅許其月一日皇后施法
師納袈裟一頂并雜物等數十件法師啓謝
曰沙門玄奘啓垂賜納并雜物等捧對驚懸
不知比喻且金縷上服傳自先賢或無價衣
聞諸聖典未有窮神盡妙目擊當如今之賜
者也觀其均綵濃淡敬君不能逾其巧裁縫
婉密雜縷無以窺其際便覺煙霞入室蘭園

在身旋俯自瞻頓增榮價昔道安言珍秦代
未遇此恩支遁稱禮晉朝罕聞斯澤唯玄奘
庸薄獨竊洪私顧寵循躬彌深戰汗伏願皇
帝皇后富衆多之子孫享無壘之福祚長臨
玉鏡永御寶圖覆育羣生與天無極不任慇
佩之至謹啓謝聞施重詞輕不能宣盡五日
申後忽有一赤雀飛來止於御帳奘不勝喜
慶陳表賀曰沙門玄奘言玄奘聞白鳩彰瑞
表殷帝之興赤雀呈符示國王之盛是知穹
昊降祥以明人事其來久矣玄奘今申後酉

前於顯慶殿庭帷內見有一雀背羽俱丹腹
足咸赤從南飛來入帳止於御座徘徊踊躍
貌甚從容見是異禽乃謂之曰皇后在孕未
遂分誕玄奘深憂懼願乞平安若如所祈爲
棟喜相雀乃迴旋蹀足示平安之儀了然解
人意玄奘深心歡喜舉手喚之又徐徐相向
乃至逼之不懼撫之不驚左右之人咸悉共
卷九
見玄奘因爲受三歸報其雅意未及執捉且
從其徘徊遂復飛去伏惟皇帝皇后德通神
明恩加兆庶禮和樂洽仁深義遠故使羽族

皇祥神禽効質顯子孫之盛彰八百之隆既爲曩代之休符亦是當今之靈貺玄奘輕生有幸肇屬嘉祥喜祚之深不敢緘默畧疏梗槩謹以奏聞若其羽翼之威儀陽精之淳偉歷代之稽古出見之方表所不知也謹言奉進已頃聞有勅令使報法師皇后分難已訖端正奇特神光滿院自庭燭天朕歡喜無已內外舞躍必不違所許願法師護念號爲佛光王法師進賀曰沙門玄奘言竊聞至道攸敷啓天人於載算深期所感誕玄聖於克岐

伏惟皇帝皇后情鏡三空化孚九有故能闢垂旒於二諦却走馬於一乘蘭殿初啟爰發俱胝之願璇柯在孕便結踰城之徵俾夫十號降靈弘茲攝受百神翼善肅此宮闈所以災厲克清安和載誕七花儼以承步九龍低而濯質玄門佇迹道樹靈陰雖昔之履帝呈祥捫天表異寧足以方斯威貺匹此英猷率土詠歌喜皇階之納祐緇林勇銳欣紺馬之來遊伏願無替前恩特令法服靡局常戀迦構良因且帝子之崇出處斯在法王之任高

尚彌隆加以功德無邊津梁載遠儻聖澤無
外弘誓不移卷九謂殫四海之資不足比斯禮
行傾十地之業無以譬此福基當願皇帝皇
后百福凝華齊輝北極萬春表壽等固南山
罄娛樂於延齡踐薩云於遐劫儲君允茂綏
卷九
紹帝猷寵眷惟宜翊亮王室襁褓英胤休祉
上二
日繁標志節於本枝嗣芳慶於草座玄獎濫
偶丕運局影禁門貴匪德昇寵緣恩積幸屬
國慶惟始淨業開基踊躍之懷座粉無恨不
勝喜賀之至謹奉表以聞輕觸威嚴伏增戰

越佛光王生滿三日法師又進表曰沙門玄
奘言玄奘聞易嘉日新之義詩美無疆子孫
所以周祚過期漢曆遐緒者應斯道也又聞
龍門洄激資源長而流遠桂樹叢生藉根深
而芳藹伏惟皇運累聖相承重規疊矩積植
仁義浸潤黎元其來久也由是二后光膺大
寶爲子孫基可謂根深源長矣逮陛下受圖
功業逾盛還淳反素邁三五之蹤製禮作樂
逸殷周之軌不持黃屋爲貴以濟兆庶爲心
未明求衣日晏忘食一人端拱萬里廓清雖

成康之隆未至於此是故鄉雲紛郁江海無
波日域邊風龍鄉沐化蕩蕩乎巍巍乎難得
而備言矣既而道格穹蒼明神降福令月嘉
卷九
辰皇子載誕天枝廣茂瓊萼增敷率土懷生
莫不慶賴在於玄奘特追恒情豈直喜聖后
十三
之平安實亦欣如來之有嗣伏願不違前勑
即聽出家移人王之胤爲法王之子披著法
服制立法名授以三皈列於僧數紹隆像化
闡播玄風再秀禪林重暉覺苑追淨眼之茂
跡踐月蓋之高蹤斷二種纏成無等覺色身

微妙譬彼山王談網莊嚴過於日月然後蔭
慈雲於大千之樟揚惠炬於百億之洲振法
鼓而挫天魔麾勝燭而摧外道接沉流於倒
海撲燎火於邪山竭煩惱之深河碎無明之
巨殼爲天人師作調御士唯願先廟先靈藉
孫祉而昇彼岸皇帝皇后因子福而享萬春
永握靈圖常臨九域子能如此方名大孝始
曰榮親所以釋迦棄國而務菩提蓋爲此也
豈得以東平瓌瓌之善陳思庸庸之才並日
而論優劣同年而議深淺矣謹即嚴衣捧鉢

以望善來之賓拂座清塗用竚踰城之駕不
勝慶慰願願之至謹奉表以聞輕觸宸威追
深戰越當仰受三皈依服袈裟雖保傳養育
所居常近法師十二月五日滿月勑爲佛光
王度七人仍請法師爲王剃髮法師進表謝
曰沙門玄奘言昨奉恩旨令玄奘爲佛光王
剃髮并勅度七人所剃髮則王之煩惱落也

道於嘉會上下欣抃悲喜交集竊尋覆護之
重在褓所先解脫之因落飾爲始伏惟皇帝
皇后道凝象外福洽區中所以光啓妙門聿
修德本所願皇階納祐玉辰延和臨百億與
羣下畢千萬歲奇佛光高子乳哺惟宜善神
卷九
衛質諸佛摩頂增華睿哲之姿允穆紹隆之
寄新度之僧荷澤旣深亦當翹勤道業專精
戒行允嗣僧倫佞性取草不勝感荷之至謹
十四
奉表以聞其日法師又重慶佛光王滿月并
進法服等表曰沙門玄奘言竊聞搏風迅羽
謂庸賤之手得効伎於天膚凡庶之人蒙入

累日而沖空寫月明璣逾旬而就滿是知稟
靈物表亮彩天中者固已後發其殊惟新厥
美者矣惟佛光王資上善以締祥闡中和而
育德自微園降誕天祠動瞻睿氣清襟寢興
納祐玉顏秀表日夕增華自非皇帝皇后慧
日在躬法流濯想寄紹隆於盤石啓落飾於
天人其孰能福此祿衣安茲乳哺無災無害
克岐克嶷者今魄照初環滿月之姿盛矣莫
枝再長如蓮之目倩芳所以紫殿懼懷黔首
胥悅七衆歸怙四門佇鑒豈唯日索後言鶴

驂待馭而已玄奘幸承恩寵許垂蔭庇師弟
之望非所庶幾同梵之情實切懷抱輒敢進
金字般若心經一卷并函報恩經變一部袈
裟法服一具香爐寶子香案澡鉢經架數珠
錫杖澡豆檻各一以充道具以表私歡所冀
遣載弄於半璋代辟邪於蓬矢俾善神見而
踊躍弘誓因以堅固輕用千奉寔深悚惕伏
十五願皇帝皇后尊邁拱辰明兼合耀結歡心於
兆庶享延齡於萬春少海澄輝掩丕劙而取
雋寵蕃振美蹕間平以載馳所願佛光王千

佛摩頂百福凝軀德音日茂善規丕相不勝
感荷奉表以聞二年春二月駕幸洛陽宮法
師亦陪從并翻經僧五人弟子各一人事事
公給佛光王駕前而發法師與王子同去餘
僧居後既到安置積翠宮夏四月車駕避暑
於明德宮法師又亦陪從安置飛花殿其宮
南接皂澗北跨洛濱則隋之顯仁宮也五月
勑法師還於積翠宮翻譯法師旣奉帝旨進
表辭曰沙門玄奘言伏蒙恩旨許令積翠宮
翻經仰佩優渥誠深喜戴伏念違離旋增憫

然玄奘功微勲府道謝德科而久棄榮章鎮
荷曾覆猶涯知懼臨谷匪危伏惟皇帝皇后
聖哲含弘仁慈亭育故使萬類取足一物獲
安而近隔蘭除聽揚鑾而悲結甫瞻茲嶺想
多預而欣然伏願玉宇延和仙桃薦壽邁甘
泉之清暑等瑤池之佳遊所冀溫樹迎秋涼
飈造夏候歸軒於砥陌儼幽錫於惟林稱慶
萬春甘從九遊不勝感戀之極謹附表奉辭
以聞荒越在顧水火交慮法師在京之日先
翻發智論三十卷及大毗婆沙未了至是有

勑報法師曰其所欲翻經論無者先翻有者
在後法師進表曰竊聞冕旒康俗咸競前修
述作窮神必歸睿后皇帝造物玄猷遠暢掩
王城於侯甸光貝葉於羽凌傍啓譯寮降緝
鴻序騰照千古流輝萬葉陛下纂承丕業光
本九
十六

秋已來已翻得七十餘卷尚有百三十卷未
翻此論於學者甚要望聽翻了餘經論有詳
畧不同及尤舛誤者亦望隨翻以副聖述帝
許焉法師少離京洛因茲扈從暫得還鄉遊
覽舊塵問訪親故論喪將盡唯有姊一人適
瀛州張氏遣迎相見悲喜問姊父母墳墓所
在躬自掃謁爲歲久荒頽乃更詳勝地欲具
棺槨而改葬雖有此心未敢專志法師乃進
所翻經論在此無者宜先翻舊有者在後翻
但發智毗婆沙論有二百卷此土先唯半
但有百餘卷而文多舛雜今更整頓翻之去
復時逢隋亂殯掩倉卒日月不居已經四十

餘載墳壟頽毀殆將湮滅追惟平昔情不自
寧謹與老姊一人收捧遺柩去彼狹陋改葬
西原用答昊天微申罔極昨日蒙勅放玄奘
出三兩日檢校但玄奘更無兄弟唯老姊一
人卜遠有期用此月二十一日安厝今觀葬
事尚寥落未辦所賜三兩日恐不周而望乞
廿九
天恩聽玄奘葬事了還又婆羅門上客今相
隨逐過爲率畧恐將嗤笑不任纏迫憂惜之
至謹附表以聞伏乞天覆雲迴曲憐孤請帝
覽表允其所請仍勅所司其法師管葬所須

並宜公給法師旣荷殊澤又進啓謝曰沙門
玄奘啓玄奘殃深疊積降罰明靈不能殞亡
偷存今日但灰律驟改盈缺匪居墳壟淪頽
草棘荒蔓恩易宅兆亟歷歲年直爲遠隔關
山不能果遂幸因陪隨鑾駕得届故鄉允會
宿心成茲改厝陳設所須復皇帝皇后曲降
天慈賜遣營佐不謂日月之光在瓦礫而猶
照雲雨之澤雖蓬艾而必霑感戴屏營喜鯁
兼集不任存亡銜佩之至謹附啓謝聞事重
人微不能宣盡法師旣蒙勅許遂改葬焉其

營送威儀無非公家資給時洛下道俗赴者萬餘人後魏孝文皇帝自代徙都洛陽於少室山北造少林伽藍因地勢之高卑有上方下方之稱都一十二院東據嵩岳南面少峯北依高嶺兼帶三川聳石嵯峨飛泉縈映松蘿共負簷交葛桂柏與杞梓蕭森壯婉清虛寶域中之佳所其西臺最為秀麗即菩提流支譯經處又是跋陀禪師宴坐之所見有遺身定塔大業之末羣賊以火焚之不然遠近珍異寺西北嶺下緜氏縣之東南鳳凰谷陳

村亦名陳堡谷即法師之生地也秋九月二十日法師請入少林寺翻譯表曰沙門玄奘言玄奘聞菩提路遠趣之者必假資糧生死河深渡之者須憑船筏資糧者三學三智之妙行非宿春之類也船筏者八忍八觀之淨業非方舟之徒也是以諸佛具而昇彼岸凡夫闕而沈生死由是茫茫三界俱漂七漏之大河浩浩四生咸溺十纏之浪莫不波轉煙迴心迷意醉窮劫石而靡危盡芥城而彌固曾不知駕三車而出火宅乘八正而適寶坊寶

可悲哉豈直秋之爲氣良增歎矣寧惟孔父
之情所以未嘗不臨食輒冷食當寐而驚者也
玄奘每惟此身衆緣假合念念無常雖岸樹
井藤不足以儔危脆乾城水沫無以譬其不
堅所以朝夕是期無望長久而歲月如流六
十之年颯焉已至念茲遄速則生涯可知加
復少固求法尋訪師友自邦他國無處不經
塗路遐遙身力疲竭頃年已來更增衰弱顧
陰視景能復幾何旣資糧未有前塗漸促無
日不以此傷嗟筆墨陳之不能盡也然輕生

多幸屬逢明聖蒙先朝不次之澤荷陛下非
分之恩沐浴隆慈歲月久矣至於增名益價
發譽騰聲無翼而飛坐凌霄漢受四事之供
超倫輩之華求之古人所未有也玄奘何德
何功以至於此皆是天波廣潤日月曲臨遂
使燕石爲珍駕駘取貴撫躬內省唯深慙恧
卷九
且害盈惡滿乃前哲之雅旨少欲知足亦諸
佛之誠言玄奘自揆藝業空虛名行無取天
慈聖澤無宜久冒望乞骸骨畢命山林禮誦
經行以答提獎又蒙陛下以輪王之尊布法

王之化西域所得經本並令翻譯玄奘猥承人乏濫當斯任旣奉天旨夙夜靡寧今已翻出六百餘卷皆三藏四含之宗要大小二乘之樞軸凡聖行位之林數八萬法門之海澤西域稱誅以爲鎮國方之典所須文義無彼不得譬猶擇木鄧林隨求大小收珍海浦任取方圓學者之宗斯爲髣髴玄奘用此奉報國恩誠不能盡雖然亦冀萬分之一也但斷伏煩惱必定慧相資如車二輪闕一不可至如研味經論慧學也依林宴坐定學也玄奘

少來頗得專精教義雖於四禪九定未暇安心今願託慮禪門澄心定水制情猿之逸躁繫意馬之奔馳若不斂迹山中不可成就竊承此州嵩高少室嶺嶂重疊峯澗多奇舍孕風雲包蘊仁智果藥豐茂蘿薜清虛海內之名山域中之神岳其間復有少林伽藍閑居寺等皆跨枕巖壑縈帶林泉佛事尊嚴房宇閑邃即後魏三藏菩提留支譯經之處也實可歸依以修禪觀又兩疎朝士尚解歸悔辭榮巢許俗人猶知栖箕蘊素況玄奘出家爲

法翻滯闕中清風激人念之增愧者也伏惟
陛下明踰七曜照極九幽伏乞亮此愚誠特
垂聽許使得絕囂塵於衆俗卷影迹於人間
卷九
陪麋鹿之羣隨鳬鶴之侶栖身片石之上庇
影一樹之陰守察心猿觀法實相令四魔九
結之賊無所穿窬五忍十行之心相從引發
作菩提之由漸爲彼岸之良因外不累於皇
風內有增於行業以此送終天之恩也儻蒙
矜許則廬山慧遠雅操庶追剝岫道林清微
望續仍冀禪觀之餘時間翻譯無任樂願之

至謹詣闕奉表以聞輕觸宸威追深戰越帝
覽表不許其月二十一日神筆自報書曰省
表知欲晦跡巖泉追林遠而架往託慮禪寂
軌澄什以標今仰挹風徽寔所欽尚朕業空
學寡靡究高深然以淺識薄聞未見其可法
師津梁三界汲引四生智皎心燈定凝意水
非情塵之所翳豈識浪之能驚道德可居何
必太華疊嶺空寂可舍豈獨少室重戀幸戢
來言勿復陳請則市朝大隱不獨貴於昔賢
見聞弘益更可珍於即代勅旣令斷表不敢

更言法師旣奉勅書進啓謝曰沙門玄奘言
使人李君信至垂賜手詔銀鉤麗於丹字睿
藻鬱彼河圖磊落帶峯岳之形郁潤挹風雲
之氣不謂白藏之暮更覩春葩之文身居伊
洛之間忽賜崑荆之寶捧對歡欣手舞足蹈
卷九
昔李重蒙魏君之札唯叙睽離遠辱晉帝
之書纔令給米未覩詞兼空寂可舍之旨誨
示大隱朝市之情固知聖主之懷窮真罄俗
綜有該無超義軒而更高架曹馬而逾遠者
矣但玄奘素絲之質尤畏朱藍葛蘿之身寢
廿一

希松杞思願燒煙霞於少室偶泉石於嵩阿
允避溺之情終防火之志所以敢竭愚瞽昧
死陳聞庶陶甄之慈無遺鳥鷗雲雨之澤不
弃龜蠚而明照需臨不垂亮許仍降恩獎曲
在輝責五情戰懼不知所守旣戢來言不敢
更請謹附謝文唯增悚越冬十一月五日佛
光王睠日法師又進法衣一具上佛光王表
曰沙門玄奘言玄奘聞蘭榮紫苑過之者必
觀桂茂青溪逢之者斯悅卉木猶爾況人倫
乎況聖胤乎伏惟皇帝皇后挹神睿之姿懷

天地之德撫寧區夏子育羣生兼復大建伽藍廣興福聚益寶圖常恒不變之業助鼎命金剛堅固之因既妙善薰修故使皇太子機神日茂潞王懿傑逾明佛光王岐嶷增朗可謂超周越商與黃帝比崇子子孫孫萬年之慶者也玄奘猥以庸微時得參見王等私心踊悅誠歡誠喜今是佛光王誕辰之日禮有

尊天枝英華美茂歡喜之至謹附表并衣以聞輕觸宸嚴追深戰越法師時在積翠宮翻譯無時暫輟積氣成疾奏帝帝聞不悅即遣供奉內醫呂弘哲宣勅慰問法師法師悲喜不已進表謝曰沙門玄奘言使人呂弘哲等

廿九

廿二

至宣勅慰問玄奘所患并許出外將息慈旨忽臨庭骸用起若對旒冕如寘冰泉玄奘攝慎乖方疾瘵仍集自違離鑾躅倍覺嬰纏心痛背悶骨酸肉楚食眠頻絕氣息漸微恐有

神擁衛百福扶持寤寐安和乳餚調適紹隆三寶摧伏四魔行菩薩行繼如來事不勝瓊

動聖聽不敢即事奏聞遂依門籍出至寺所病旣困勞轉篤心亦分隔明時乃有尚藥司醫張德志爲針療因漸瘳降得存首領還顧專輒之罪自期粉墨之誅伏惟日月之明久諒愚拙江海之澤特肆含容豈可移幸於至微屈法於常典望申公道以穆憲司枉獄爲輕伏鉄是俟而殘魂朽質仍被恩光撫臆言懷用銘肌骨自惟偃頓非復尋常縱微下俚之憂亦盡生涯之冀但恨隆恩未答末命先虧仰惟帝勤親勞薄狩期於閱武情在訓戎

既昭仁於放麟又策勲於獻鳳遐邇慶集上下歡并風伯清塵山祇護野敬惟動止故極休貞申炯誠於十旬浹辰而返鄙宣遊於八駿密邇而旋玉乘可佇冰懷以慰撫事迴惶終期殞越不勝荷懼之至謹奉表待罪以聞廿九荒惻失圖伏聽勑旨帝覽表甚歡經三日後遣使迎法師入四事供養留連累日勑送法師還積翠宮廿三仍舊宣譯焉冬十二月改洛陽官爲東都嫌封畿之褊隘乃東分鄭州之汜水懷州之河陽西廢穀州取宜陽永寧新安

澠池等縣皆隸屬焉法師以鄉邑增貴修表
賀曰沙門玄奘言竊聞鶴首錫秦上帝兆金
城之據龜圖薦夏中畿啓玉泉之窺是知靈
既所基皇猷顯屬昌誦由其卜遠高光所以
闡期允迪厥猷率遵斯在伏惟皇帝皇后揆
物裁務懸衡撫俗即土中之重隩迤虞巡而
駐蹕因舊制之瓊偉儀鎬京西建郭仍以卑
宮載懷改作勞於曩役馭奔在念軫居逸於
晨興自非折中華夷均一徭輸豈能留連聖
眷煥汗綸言是以今下之初山川鬱其改觀

拓制爰始煙雲霏而色動飛甍日麗馳道風
清神期盼響臻倫郁穆若賦武昌之魚樂遷
王里爭企云亭之鶴願奉屬車旣小晉鄭之
依更褊劉張之策前王齟齬豐洛遙開我后
牢籠伊咸並建麟宗克茂鼎祚惟遠自可東
安平樂西臨建章佞性笙而駐壽輿在藻而
流詠蕩蕩至公巍巍罕述玄奘散材莫効貽
懼增深但三川之郊猥霑故里千載之幸鬱
爲新邑草門雖翳芻命猶存喜編轂下匪慙
關外況光宅之慶遐邇所同歡聖上允安庸

微所特荷不勝喜抃之極謹奉表陳謝以聞
三年春正月駕還西京法師亦隨歸

大慈恩寺三藏法師傳卷第九

卷九

四

音釋

箕	思尹切	箕虚也	攄丑居切	穀古候切	蓬張弩也
謂架鐘磬者					
闕	徒丁切	跂詰利切	輿詩丈里切	轍夷箇切	
枝莖也					
苦紺也					
澤人名	切	闕而望也	屹立也	轍過也	
蹀徒協也		俱倫也	蒸春秋切		
也		君頭大也	遒勁也	轍陟劣	
蹀踏也					
蹀他鼎切					
璫	蘇果切	憚切			
璫	假肩貌劍	疲劣			